

EUSKARA NUP-EN. Unibertsitate Ekimenak EHUko ikasle eta irakasle nafarren artean egin du sinadura bilketa

Erredakzioa | DONOSTIA

Euskal Herriko Unibertsitateko (EHU) 1.505 ikasle eta irakaslek sinatu dute Nafarroako Unibertsitate Publikoan (NUP) euskararekin «bizi duten egoera» salatzeke adierazpena. Sinadura bilketa Lingua Navarrorum-en Aldeko Unibertsitate Ekimenak egin du, eta Araba, Gipuzkoa eta Bizkaiko campusetan diharduten irakasle zein ikasle nafarren atxikimendua lortzea izan du helburu. Sinaduren artean, hala ere, Euskal Herriko edo nazioarteko beste unibertsitateetako hainbat ikasle eta irakasle nafarren atxikipen batzuk ere badaude.

Sinadura bilketari apirilaren 24ko gertakarien ondotik ekin zitzaion. Egun horretan, NUPeko ehun ikasle, irakasle eta langile inguruk itxialdia hasi zuten campusean, baina Espainiako Poliziak kanporatu egin zituen, eta haietako batzuk atxilotu. «NUPen euskarari ematen zaion tratua salatzeko modu bakesuan protestan ari zirela, polizia indarrek indarrean kanporatu zituzten eta kanporatutako zenbait 25eko goizaldea arte atxiki zituzten, tratu txar fisiko eta psikokoak eraginez», salatu du Unibertsitate Ekimenak, prentsa oharrean.

1.505 elkartasun sinadura bildu dituzte EHU, NUPen atxilotutakoen alde

«Nafarroako arazoak euskaldun guztionak dira», adierazi dute



JAGOBA MANTEROLA / ARGAZKI PRESS

NUPeko itxialdian atxilotutako ikasleak, komisaria kanpoan, aske gelditu zirenean.

«Gero eta modu basatiagoan gertatzen ari diren jazoera horientatik eta guztion ondare kultural eta historikoa denaren babeserako ekintzetan parte hartzea krimenez jotzen delako larrituta» ekin zioten sinadura bilketari, eta testu txiki bat oinarri hartuta 1.505 atxikipen lortu dituzte hilabete batean.

Nafarroako Gobernuaren politikari salaketa

1.505 sinadurek babesa eman dioten testuak NUPek euskarak bizi duen egoera eta apirilaren 24ko gaua ekartzen ditu gogora. «Iruñeko campusean gertatutakoaren aurrean, Euskal Herriko Unibertsitatean ikasten eta lan egiten dugun nafarroak, Nafarroan eta konkretuki bere Unibertsitate Publikoan, euskarak bizi duen egoera, eta antza denez, Nafarroako Gobernuak egoera hori mantentzeko eta okertzeko zuzentzen dituen saiakera, salatu nahi ditugu», dio adierazpenak.

Ildo horretan, Nafarroan bizi den egoerari eta euskarak pairatzen dituen erasoei aurre egitea euskaldun guztion erantzukizuna dela diote sinatzaileek. «Nafarroako arazoak euskaldun guztionak direlako, gure ardua eta elkartasuna adierazi nahi dugu».

gure erronka

araba euskaraz

ONDATEGI-ZIGOITIARA!

Ekainaren 16an

GAZTE GUINEA KONTZERTUAK:
4 itzal, Ken 7
Ene Bada, Alaitz eta Maider...
Bertsolariak

ERA GUZTIEETAKO EKITALDIAK:
gominga, rokodromoa, arku-tiro, eta malabarismoa.
Animatu eta ekarri zuen tresnak

Autobusak erabil itzazu!

1
Mastolen Elkartea

ARMENTIA
IRASTOLA